

金鏡內臺方議

金鏡內臺方議序

醫道與儒道通素問起於軒黃難經起於秦越猶
之經也醫方始於張仲景猶之傳也漢唐以後青
囊一術各標識解猶之註疏也膠柱刻舟者依畫
樣之臨摹翻案倒局者哆金針之暗渡於是有過
高者出謂方書可付龍祖曰醫者意也夫以意爲
文猶自誤以意爲方則誤人方可廢乎但釋方與
用方者不免毘於陰陽耳仲景之有內臺方也人

盡習之至建安許宏之有方議未流傳也余得而
諦觀之虛實強弱有稟燥濕寒熱有氣君臣佐使
有序因革損益有宜大都問答彷彿之素問釋疑仿
之難經令不知醫者自病自藥簡方俱可無誤令
深於醫者鑑輕重權衡毫釐千里之辨不敢輕下
一七譬之解經者訂註疏之訛亦補經傳之缺以
仁術生人較之以學術殺人者不大有補於世哉
信醫道之通於儒也而余尤念醫道之通於治蓋

亦有脉與治焉元氣神氣張弛各以其時猶之治
本治標緩急一隨其候若外邪宜用治標法而反
泄神氣以填之內虛宜用治本法而反弛神氣以
潰之恐望氣察色俞跗已却走矣信惟具醫國全
副精神達權通變固壽元於消息之微轉生機於
呼吸之介而後旺者不衰衰者可旺伊耆世界將
復見之則余之流傳此方議并載穴道經絡圖以
當隔垣之視也豈直以醫道哉然儒者而知此醫

道也於治道思過半矣

西蜀馮士仁題

金鏡內臺方議目錄

卷之一

治傷寒湯方一百一道

桂枝湯一

桂枝加葛根湯二

桂枝加厚朴杏子湯三

桂枝加附子湯四

桂枝去芍藥湯五

桂枝去芍藥加附子湯

六

桂枝麻黃各半湯七

桂枝二麻黃一湯八

桂枝去桂加苓朮湯九

桂枝新加湯 十

桂枝加桂湯 十一

桂枝加芍藥湯 十二

桂枝加大黃湯 十三

桂枝越婢湯 十四

桂枝甘草湯 十五

桂枝救逆湯 十六

桂枝龍骨牡蠣湯 十七

桂枝人參湯 十八

桂枝附子湯 十九

卷之二

麻黃湯 二十

麻黃杏子湯 二十一

麻黃連翹赤小豆湯 二十二

麻黃附子細辛湯二十 麻黃附子甘草湯二十

麻黃升麻湯二十

卷之三

大青龍湯二十

小青龍湯二十

葛根湯二十

葛根黃連黃芩湯二十

葛根加半夏湯三十

白虎湯三十

人參白虎湯三十

卷之四

小柴胡湯三十

大柴胡湯四十

柴胡桂枝湯三十

柴胡桂薑湯三十

柴胡加芒硝湯三十

柴胡加龍骨牡蠣湯三十

八

小建中湯九

卷之五

小承氣湯四十

大承氣湯一

調胃承氣湯二十

桃仁承氣湯三十

小陷胸湯四

大陷胸湯五

抵當湯

六十

十棗湯

七十

卷之六

黃連瀉心湯

八十

附子瀉心湯

九十

半夏瀉心湯

五十

生薑瀉心湯

一十

甘草瀉心湯

二十

茯苓桂枝白朮甘草湯

五十

茯苓桂枝甘棗湯

五十

黃芩湯

五十

黃芩加半夏生薑湯

五十

六

卷之七

四逆湯 五十

四逆加人參湯 五十

當歸四逆湯 五十

當歸四逆加茱萸湯 六十

四逆加猪膽汁湯 六十

通脉四逆湯 六十

茯苓四逆湯 六十

白通湯 六十

白通加猪膽汁湯 六十

附子湯 六十

乾薑附子湯 六十

朮附湯 六十

真武湯 六十

卷之八

梔子豉湯 七十

梔子厚朴湯 七十

梔子乾薑湯 七十

梔子生薑豉湯 七十

梔子甘草湯 七十

梔子柏皮湯 七十

厚朴薑夏草參湯 七十

旋覆代赭湯 七十

赤石脂禹餘糧湯 七十

吳茱萸湯 七十

猪苓湯 八十

卷之九

甘草附子湯

一八十

甘草乾薑湯

二八十

芍藥甘草湯

三八十

甘草湯

四八十

炙甘草湯

五八十

芍藥甘草附子湯

六八十

茯苓甘草湯

七八十

黃連湯

八八十

黃連阿膠湯

九八十

乾薑黃連人參湯

九十

卷之十

桃花湯

一九十

猪膚湯

二九十

桔梗湯

三九十

苦酒湯

四九十

白頭翁湯

九十

半夏散及湯

九十

枳實梔子湯

九十

竹葉石膏湯

九十

茵陳蒿湯

九十

蜜煎導方

一百

豬膽汁方

一百

卷之十一

治傷寒散方七道

五苓散

一百

四逆散

一百

瓜蒂散

一百

文蛤散

一百

白散一百六

燒裨散一百七

牡蠣澤瀉散一百八

卷之十二

治傷寒九方五道

理中丸一百九

烏梅丸一百十

大陷胸丸一百十

抵當丸一百十二

麻仁丸一百十三

右傷寒內臺正方一百十三道皆張仲景所

述更欠少一方乃禹餘糧是也

附藥性品製

用葯加減法

論分兩

金鏡內臺方議卷之一

建安許宏集

古吳程永培校

桂枝湯一

治自汗惡風頭疼體痛發熱脉浮緩名曰中風

桂枝

芍藥

各三兩

甘草

二兩 生薑

大棗

十二枚

右咬咀以水七升慢火煎至四升去滓適寒

溫服一升服已須臾飲稀粥以助藥力以被

溫覆令一時許遍身皤皤出微汗則佳不可
令如水淋漓病必不除若一服汗出病瘥停
後服不必盡劑若不汗更服依前法又不汗
再服若病重者一日夜服盡一劑病症仍在
者服至二三劑汗不出者乃絕證也麵食五
辛酒酪生冷等物忌之

桂枝湯議

議曰中風者乃風邪之氣傷人衛氣而成此症也

衛氣受風則強強則自汗出而常惡風衛強則榮
弱營弱則發熱頭體痛脉浮而緩是以自汗惡風
發熱頭體痛脉浮而緩者乃中風症也經曰風淫
于內以辛散之以甘緩之乃用桂枝爲君以散邪
氣而固衛氣桂枝味辛甘性熱而能散風寒溫衛
氣是辛甘發散爲陽之義也芍藥味酸性寒能行
榮氣退熱理身痛用之爲臣甘草大棗味甘而性
和能諸榮衛之氣而通脾胃之津用之爲佐薑味

辛性溫而能散邪佐氣用之爲使先聖配此五味之藥以治傷寒者乃專主中風之症而行解肌之法也若非自汗惡風之症不可服也經曰桂枝下咽陽盛則斃者是也

議用桂枝湯法

議曰桂枝湯乃傷寒中解肌正法也若自汗出惡風寒脉浮緩不問有熱無熱頭體痛與不痛便是中風証也桂枝用之無疑若是自汗惡風脉却不

浮緩或沉緊浮數等類乃是風寒其傷入于經絡未全在表桂枝湯未可盡用只宜桂枝麻黃各半湯微解之以候其定若是自汗惡風更加內實煩熱脉洪大者此乃風邪與熱邪其相攻也桂枝猶未可用只宜外臺升麻解肌湯加桂枝主之若是傷寒四五日失于解肌脉息左右不同或浮或洪內熱煩渴又兼惡風有汗者此乃表裏均見也雖宜解肌桂枝不可用也只宜外臺芩蒿湯加桂枝

取汗出爲度張仲景法中用桂枝最多雖然識破古人用法之要也若非自汗惡風脉浮者不可盡用也

桂枝湯戒

議曰傷寒乃熱病復用桂枝辛熱之劑發汗不可不知戒慎也張仲景曰有汗不得服麻黃無汗不得服桂枝又曰桂枝本爲解肌若其人脉浮緊發熱汗不出者不可與也常須識此勿令悞也又曰

若酒客病不可與桂枝湯又曰傷寒脉浮自汗出
小便數心煩微惡寒脚攣急此乃陰陽皆虛也不
可汗之宜甘草乾姜湯芍藥甘草湯反與桂枝湯
欲攻其表此悞也又曰桂枝下咽陽盛則斃以此
推之桂枝湯乃專主中風解肌之法若妄用之必
致其咎明智之士不可不慎焉若果証係中風非
桂枝湯又不能取効也凡服桂枝湯吐者其後必
吐膿血也

議用桂枝

議曰桂枝者乃取桂之枝梢細薄者用之以其輕揚而能發散也非肉桂之厚者也若混而用之少見功效三因方中乃用桂心亦有乖訛且桂心能入心肉桂能治五臟之氣桂枝能治表邪也若以傷寒發散風邪必用桂枝也

議用芍藥

議曰芍藥赤性寒能瀉榮氣白芍藥性平能補榮

氣雖皆芍藥補瀉不同仲景桂枝湯中只言芍藥不言赤白聖惠方用赤芍孫尚方用白芍許叔微亦用白芍且寒傷榮風傷衛此桂枝湯乃救風傷衛氣者也衛氣既傷榮氣有強有不強不可盡以爲榮弱始發熱也若証果惡風自汗脉皆陽浮而陰弱又復遲緩此乃榮弱無疑此必用白芍藥以補榮而固其衛如經中所云榮弱衛強故使汗出是也如症自汗惡風脉却陽浮而陰盛榮脉反壯

其內熱盛又更其人稟質素壯血氣有餘此必用
赤芍藥以瀉其盛經之氣也豈可反補哉自張氏
今往寥寥數千載間聖道遙遠人鮮能明考之聖
經不言而會如桂枝加芍藥湯乃下之腹滿時痛
屬太陰此脾虛也故用白芍以補之如桂枝加大
黃湯乃下之因爾腹大實痛乃脾氣實也故用赤
芍藥加大黃以利之如建中湯當歸四逆湯真武
湯等皆用白芍如大柴胡湯葛根湯麻黃升麻湯

皆用赤芍皆此古人所蘊未言之妙也惟智者能推究之

桂枝湯證

太陽中風陽浮而陰弱陽浮者熱自發陰弱者汗自出漉漉惡寒淅淅惡風翕翕發熱鼻鳴乾嘔者桂枝湯主之

太陽病外症未解脉浮弱者當以汗解宜桂枝湯主之

太陽病下之後其氣上沖者與桂枝湯

太陽病先發汗不解復下之脉浮者不愈浮爲在表而反下之故不愈今脉浮故知在外當須解外則愈宜桂枝湯

病常自汗出者此爲榮氣和榮氣和者外不諧矣以衛氣不共榮氣和諧故爾以榮行脉中衛行脉外復發其汗榮衛和則愈宜桂枝湯

病人臟無他疾時發熱自汗出而不愈者衛氣不

和也先其時發汗則愈宜桂枝湯

傷寒不大便六七日頭痛有熱者與承氣湯小便
清者知不在裏仍須在表當其汗宜桂枝湯王之
傷寒發汗解半日許復煩脉浮數者可更發汗宜
桂枝湯

傷寒病醫下之清谷不止身疼痛者急當救裏後
身疼痛清便自調者急當救表救裏宜四逆湯救
表宜桂枝湯

太陽病發熱汗出者此爲榮弱衛強故使汗出欲解邪風者宜桂枝湯

傷寒大下後復發汗心下痞惡寒者不可攻痞先解表表解乃可攻痞解表宜桂枝湯攻痞宜大黃黃連瀉心湯

太陽病不解熱結膀胱其人如狂血自下下者愈其外不解者尙未可攻先解外外解已但小腹急結者乃可攻之宜桃仁承氣湯其解外者宜桂枝

湯

太陽病頭疼發熱汗出惡風者桂枝湯主之

太陽病外症未解不可下也下之爲逆宜桂枝湯
陽明病脉遲汗出多微惡寒者表未解宜桂枝湯
病人煩熱汗出則解又如瘧狀日晡所發熱者屬
陽明也脉實者宜下之脉浮虛者宜汗之下之宜
大承氣湯汗之宜桂枝湯

太陰病脉浮者可發汗宜桂枝湯

厥陰病下利腹脹滿身體疼痛者先溫其裏乃攻其表溫裏宜四逆湯攻表宜桂枝湯

霍亂病吐利止而身痛不休者當消息和解其外宜桂枝湯小和之

議曰仲景所用桂枝湯者一十九法今復書于此非但使人必合此法方用桂枝湯乃使後人逐條細讀精詳義味方見古人用藥之意庶幾乎其有得矣惟智者悟乎此則八方開通洞然無礙愚者

膠柱鼓瑟不足與語也

服桂枝湯後

服桂枝湯大汗出後大煩渴不解脉洪大者白虎
加人參湯主之

服桂枝湯大汗出脉洪大表症仍在者與桂枝湯
如前法若形如瘧日再發者汗出必解宜桂枝二
麻黃一湯

太陽病初服桂枝湯反煩不解者先刺風池風府

却與桂枝湯則愈

凡服桂枝湯吐者其後必吐膿血也

傷寒脉浮自汗出小便數心煩微惡寒却變急反與桂枝湯欲攻其表此悞也得之厥便咽中乾煩躁吐逆者作甘草乾薑湯與之以復其陽若厥愈足溫者更作芍藥甘草湯與之其脚便伸若胃氣不和譫語者少與調胃承氣湯若重發汗復加燒鍼者四逆湯主之

議曰服桂枝湯後有大汗出而解者有不汗出而亦解者有汗出而表解裏反熱者有汗出而不解者此又臨期消息而詳度之辨其表裏察其陰陽究其盛衰定其虛實無不應也

疑問

問曰中氣証本自汗又復發汗者何也

答曰風傷衛氣則衛氣不固時自汗出者乃身中時常有微汗濺濺然非有大汗也必用桂枝湯以

固衛氣而解肌表中之邪風必作一陣大汗出則風邪皆散也

問曰中風證有服桂枝湯無汗出者復用麻黃湯發之可否

答曰有汗不得服麻黃無汗不得服桂枝此傷寒禁戒也若中風服桂枝湯不汗出必再服桂枝湯若二三劑不汗出者乃死症也若用麻黃湯強發之汗出必燥竭而死也

問曰桂枝下咽陽盛則斃何也

答曰陽盛陰虛下之則愈汗之則死是也如陽明病脉長盛而實發熱自汗出反惡熱此乃陽盛陰虛當以大承氣湯下之若不明者因見煩熱多汗妄爲中風以桂枝湯治之以剛配剛熱極則死也問曰桂枝湯發汗復用薑棗麻黃湯發汗不用薑棗何也

答曰桂枝湯治表虛麻黃湯治表實表虛者津液

外泄故用薑棗以通脾氣而行津液表實者津液
內固只專于發汗故方中不用棗也

桂枝加葛根湯二

治太陽病項背強几几反汗出惡風者

桂枝

芍藥

各五兩

甘草

二兩

葛根

四兩

生薑

三兩

大棗

十二枚

右咬咀以水七升先煮葛根減二升內諸藥
再取三升去滓服覆取微汗此亦解肌之法

湯議

議曰汗出惡風者乃中風症也屬桂枝湯主之今此汗出惡風而反几几又復項背强者乃風盛於表也此屬桂枝湯中加葛根主之几几者如鳥飛伸頸之貌既項背强又復几几者當無汗今反汗出惡風者故知風盛于表也葛根性平能祛風邪解肌表以此用之爲使而佐桂枝湯之用以救邪風之盛行于肌表也

議註方無定畧

議曰古之一方治一證如今之律令一欵治一罪不可不明白議斷如葛根湯方與桂枝加葛根湯方雖曰大同而實異葛根湯中有麻黃乃治項背強几几無汗惡風者此乃發散之方桂枝加葛根湯中無麻黃乃治項背強几几反汗出惡風者此乃解肌之方也只此無汗與反汗出二者差之毫釐謬以千里此張氏千載之下不言而會者今本

方註中又言恐不加麻黃後方中又言先煮麻黃
去上沫方中又不書麻黃如此含糊不明便無定
畧且仲景傷寒論方傳之于世亦千百載下其中
精思智達者能幾人焉或依方鄙俚之徒鮮有未
誤者也今此校正永當爲法

桂枝加厚朴杏子湯 三

治太陽病下之微喘者表未解也

桂枝湯中加厚朴

二杏子
兩五十箇

右如法煎之

湯議

議曰下後大喘者則爲裏氣大虛邪氣傳裏正氣將脫也多爲不治下後微喘者則爲裏氣上逆邪氣在表故屬此湯主之與桂枝湯以解表邪加厚朴杏仁爲佐以下逆氣也此乃太陽病熱甚內實用大柴胡湯主下者爲有表邪未盡脉未沉實下之多有此証宜用此湯若是陽明病脉沉實內

熱煩悶下之微喘胸膈不快者又屬小陷胸湯主之智者精思詳焉經云喘家作桂枝湯加厚朴杏子佳正此義也

桂枝加附子湯

四

治太陽發汗遂漏不止其人惡風小便難四肢微急難以屈伸者此乃溫經救急之法

本方中加附子

一枚炮去皮臍

右咬咀白水煎食前通口服

內臺方議

卷之一

古

湯議

議曰病人陽氣不足而得太陽病因發汗汗就出多不能止名曰漏也或至二三日不止其人反惡風此乃陽氣內虛而皮膚不固也又小便難者汗出多則亡津液陽氣內虛不能施化也四肢者諸陽之本今亡而脫液則四肢微急難以屈伸故與桂枝湯中加附子以溫其經而復其陽也

疑問

問曰附子性大熱今此太陽病服之得无咎乎

答曰陽極生陰陰極生陽此必然之理也今本太陽病汗而成漏則陽氣脫泄其陰將長縱用薑桂亦無所應必須附子剛烈之性方能復其正陽之氣而溫其經用之既正則无咎也此乃傷寒法中溫經救急之法也

桂枝去芍藥湯

五

治太陽病下之後脉促胸滿者

本方中去芍藥用之

右如法

湯議

議曰太陽病不應下而下之則脉促而滿此爲表邪未盡而動臟腑則邪結于胸中而不得散陽氣內虛榮衛奔亂其脉促也不可便言結胸只屬桂枝去芍藥湯主之芍藥能益陰氣今邪客胸中陽氣內虛不宜益其陰也故去之

桂枝去芍藥加附子湯 六

治同前更加微寒者

本方中去芍藥加附子

右如前法

湯議

議曰太陽病發汗後成漏者爲真陽虛脫也故與桂枝加附子湯以溫其經而復其陽今下後脉促胸滿微惡寒者亦爲陽虛陰盛邪在胸中不可發

汗只得與附子以復陽溫經與桂枝以散其邪也

疑問

問曰陰盛者可發汗因汗多而成漏則惡寒與附子服之無疑今此陽盛者可下既下之脉促胸滿微惡寒便與附子服之恐有陽盛之劇誠爲涉疑答曰此太陽病陽氣未實而表邪未解下之太早則陽氣內虛故微惡寒表邪未解故脉促胸滿急者治其標必用附子以先救其陽去芍藥以損其

陰此乃太陽經下之不應也至若陽明經下之太
早者乃成結胸與此又不可同論也

桂枝麻黃各半湯

七

一名麻黃芍藥湯

此卽

桂枝湯中加麻黃杏仁也

治太陽病得之七八日如瘧狀發熱惡寒熱多
寒少其人不嘔清便欲自可一日二三度發脉
微緩者爲欲愈也脉微而惡寒者此陰陽俱虛
不可更汗更下更吐也面色反有熱色者未欲
解也以其不能得小汗出身必痒宜桂枝麻黃

各半湯主之

桂枝

三兩

芍藥

三兩

甘草

二兩

麻黃

三兩

杏仁

七十個

生薑

三兩

大棗

十二枚

右咬咀白水煎服取微汗

湯議

議曰桂枝湯治表虛麻黃湯治表實二者均曰解表霄壤之異也今此二方合而用之者乃解其表不虛不實者也如三陽之邪傳經八九日當已今

此不已反如瘧狀者乃先發表不盡微滯于經而
不得出故一日二三度發也不嘔清便自可者乃
裏症已退也因脉微緩知其欲愈若面色反有熱
色者知再與小汗出必解也故與桂枝湯中加麻
黃杏仁以取小汗也

疑問

問曰此一湯只治前一証耶更可治他証否

答曰聖人用法如泉井之不窮源深而流長根盛

而葉茂且此一方變化無盡在人善取者用而神
之如中風証見寒脉若用桂枝湯又干脉浮緊若
用麻黃湯又礙自汗出故以此方主之如傷寒症
見風脉若用麻黃湯又干脉浮緩恐汗出反成漏
若用桂枝湯又礙無汗出服之恐煩躁悶亂故以
此方主之最良今畧以此二者辨之則變化無窮
矣

桂枝二麻黃一湯

八

治太陽病若形如瘧日再發汗出必解

桂枝

芍藥

各二兩

甘草

麻黃

各一兩

杏仁

六十

箇

生薑

兩

大棗

五枚

右如法取微汗

湯議

議曰聖人之用方如匠者之用規矩分毫輕重不敢違越且傷寒之方一百一十有三其中用桂枝麻黃者大半非曰繁復在乎分兩之增減也如桂

枝湯加膠飴增芍藥又曰小建中湯加葛根麻黃
又曰葛根湯加麻黃湯加石膏又曰大青龍湯若
此者不可盡紀在乎智者之能精鑑也今此一證
乃是服桂枝湯大汗出後其形如瘧日再發者是
原發汗不盡餘邪在經所致也爲其先發汗後是
以少與麻黃湯多與桂枝湯再和其榮衛取微汗
則解也

桂枝去桂加苓朮湯 九

治服桂枝湯或下之仍頭項強痛翕翕發熱無汗心下微滿痛小便不利者

芍藥

三兩

甘草

二兩

茯苓

白朮

各三兩

生薑

大棗

右㕮咀白水煎食前服

湯議

議曰服桂枝湯或下之表邪當解仍頭項強痛翕翕然發熱無汗者爲邪猶在表也心下滿微痛小

便不利者爲有停飲在胸中故使然也去桂枝者爲無汗加茯苓白朮者以去停飲而利小便也

疑問

問曰頭項強痛翕翕發熱已經汗下後又加心下微痛此乃結胸欲成何緣作停飲治之也

答曰餘症皆在胸結但以小便不利者知非結胸乃停飲也

桂枝新加湯 十

治發汗後身疼痛脉沉遲者

本方中加生白芍

生薑

各一兩

人參

三兩

右咬咀白水煎通口服不必取汗

湯議

議曰發汗後身復痛者餘邪未盡也脉沉遲者榮血不足也故與桂枝湯以解餘邪加白芍芍以益血加人參生薑以益正氣而散其邪也

疑問

問曰經云病發熱頭痛脉反沉若不差身體疼痛者當救其裏宜四逆湯今此身疼痛脉沉遲又用桂枝新加湯何也

答曰發熱頭痛爲表表有病者脉當浮今脉反沉當愈也既不愈又身疼痛者此爲內虛寒甚也其人必大小便清利不能飲冷此屬附子乾薑溫之今此身疼痛脉沉遲乃發熱後血虛之故也其人必大小便不多此不可與薑附只宜白芍人參之

類調氣養營衛而自已也

桂枝加桂湯 十一

治燒針令其汗針處被寒核起而赤者必發奔豚氣從小腹上沖心灸其核上各一壯與此方主之

本方中加桂 二兩

右如法煎通口服

湯議

議曰俗間多有燒針瘁火之法以治黃病等証反
成殃咎今此燒針發汗則損陰血而驚動心氣心
氣因驚而虛則觸動腎氣發爲奔豚先灸核上以
散其寒次與桂枝加桂湯以泄奔豚之氣也

桂枝加芍藥湯

十二

治太陽病反下之因而腹滿時痛者屬太陰

本方內更加白芍藥

三兩

右咬咀白水煎通口服

湯議

議曰表邪未罷因而下之邪氣乘虛傳于太陰脾經裏氣不和故腹滿時痛此乃虛邪也與桂枝湯以解之加白芍藥以和裏且白芍藥性平而能益脾安中止虛痛也

桂枝加大黃湯 十三

治証同上因而大實痛者

本方內加大黃

兩 赤芍藥一兩

右咬咀白水煎服

湯議

議曰表邪未罷若便下之則虛其中邪氣反入裏若脉虛弱而腹滿時痛者乃脾虛也不可再下急與桂枝加芍藥湯以止其痛若脉沉實大實而痛以手按之不止者乃脾實也急宜再下與桂枝湯以和表加芍藥大黃以攻其裏且赤芍藥性涼而能瀉血中熱大黃能除其實瀉其脾也

疑問

問曰桂枝加芍藥湯用白芍藥加大黃湯用赤芍藥二症皆同何得有異

答曰白芍藥能補脾止痛赤芍藥能瀉脾止痛前症加芍藥湯乃治虛邪後症加大黃湯乃治實邪以此虛實之不同故補瀉之有異非明智者孰能辨之

湯戒

經云太陰爲病脉弱其人續自利便設當行大黃
芍藥者宜減之以其胃氣弱易動故也

桂枝越婢湯 十四

治太陽病發熱惡寒熱多寒少脉微弱者此無
陽也不可發汗宜此方主之

桂枝 芍藥 甘草 生薑 各一兩 麻黃 七錢半

石膏 半兩 大棗

右七味咬咀白水煎服

湯議

議曰前桂枝麻黃各半湯症云太陽病得之八九日如瘧狀發熱惡寒熱多寒少脉微緩者爲欲愈也脉微而惡寒者此陰陽俱虛不可更汗更吐更下也面色反有熱色者未欲解也宜桂枝麻黃各半湯主之今此一證亦與前證大同爲脉微弱此無陽不可發汗宜桂枝越婢湯且此湯亦卽桂枝麻黃各半湯中減杏仁加石膏也杏仁能發汗故

去之石膏能去虛熱故加之

疑問

問曰湯名越婢其義何取

答曰婢卽脾也歲久傳寫之誤經註雖曰脾爲卑藏卑者若婢此非成無已之語乃後人穿鑿強註之耳所謂越婢湯者以石膏麻黃甘草發越脾之正氣以通行于津液而散虛邪之留滯于經而不去者此因脉微弱無陽而不敢大汗者之所設也

桂枝甘草湯

十五

治發汗過多其人叉手自冒心心下悸欲得按者此方主之

桂枝

兩

甘草

二兩
炙

右咬咀以水三升煮取一升去渣頓服

湯議

議曰汗者心之液汗出太多則心液不足故心下悸欲得按也與桂枝之辛走肺而益氣甘草之甘

人脾而緩中又桂能益心氣故用此方主之也

桂枝救逆湯十六

治傷寒脉浮醫以火迫劫之亡陽必驚狂臥起不安者桂枝救逆湯主之

桂枝三兩甘草二兩生薑三兩大棗十二枚牡蠣五兩

龍骨四兩蜀漆三兩

右以水一斗二升先煮蜀漆減二升內諸藥再取三升去渣溫服

湯議

議曰傷寒脉浮當服桂枝麻黃湯以發其汗醫者反以火灸劫之則汗大出不止而亡其陽汗者心之液亡陽則心氣虛又火邪內迫則心神浮越故驚狂臥起不安與桂枝湯以解未盡表邪去芍藥而減陰氣加蜀漆之辛以散火氣加龍骨牡蠣之澁以固陽汗之走泄者也此乃救壞病之法也

桂枝龍骨牡蠣湯 十七

治火逆下之因燒針煩躁者此湯主之

桂枝

兩

甘草

龍骨

牡蠣

各二兩

右爲末以水五升煮取三升去渣溫服

湯議

議曰先因火逆復以下之裏氣內虛又加燒針反爲火熱所煩則心神不安故煩躁經曰太陽傷寒者加溫針必驚也故與桂枝以散經中之邪除芍藥恐益陰氣加龍骨牡蠣以收斂浮越之正氣也

桂枝人參湯 十八

治太陽病外證未除而數下之遂協熱而利利
下不止心下痞鞭表裏不解者此方主之

桂枝

四兩

甘草

炙四兩

人參

白朮

乾薑

各三兩

右五味以水九升先煮四味取五升內桂再
煮取三升溫服 此卽理中湯加桂也

湯議

議曰表証未除而數下之重虛其裏邪氣乘虛而

入則協熱遂下利不止而心下痞鞭若表解而下
利心下痞鞭者屬瀉心湯今此表裏不解而下利
心下痞者必須先解表而後攻痞故與桂枝以解
表人參白朮以安中止瀉加乾薑以攻痞而溫經
甘草以和緩其中此未應下而下之以虛其中者
主之也

疑問

問曰下利不止而心下痞鞭者此屬生薑瀉心湯

今此下利而心下痞鞭又與桂枝人參湯何也

答曰瀉心湯治表氣已解胃中不和而心下痞鞭腹中雷鳴下利者主之其脉必不浮也今此表未解而便數下之故協熱而利心下痞鞭以其脉浮故知表裏不解與桂枝人參湯和解表裏者也

桂枝附子湯 十九

治傷寒八九日風溫相搏身煩疼不能自轉側不嘔不渴脉浮虛而濇者此方主之若其人大

便鞭小便自利者去桂加白朮主之

桂枝

四兩

附子

三枚

甘草

二兩

生薑

二兩

大棗

十二枚

右六味以水六升煮取二升分溫去渣服

湯議

議曰傷寒至八九日之後邪當傳裏今此八九日
後身體煩疼不能自轉側又不嘔不渴脉浮虛而
濇者非爲表症脉浮爲風脉濇爲濕煩則爲風身
疼爲濕乃風濕症也與桂枝湯去芍藥以治風加

附子以散表中之風濕寒邪也此湯須用脉浮虛而濇無熱不渴身體煩疼不能轉側者方可服也若是風濕熱症脉緊數者不可服也又當於外臺求之

疑問

問曰此書皆是傷寒之法又兼此風濕之症雜之何耶

答曰此人先有濕氣因傷中風寒合而成症以此

添入傷寒法中昔自祖師張仲景開化以來此風濕痿喝風溫濕溫等症皆在金鏡外臺法中因三國混亂書多亡失外臺之書流蕩不全因王叔和得傷寒足六經之法集成傷寒論間得風濕數篇雜入此中故曰痿喝濕三種宜應別論惟得正傳者方知之

內臺方議卷之一

金鏡內臺方議卷之二

建安許宏集

古吳程永培校

麻黃湯二十

治太陽病頭疼發熱身疼腰痛骨節疼痛惡寒
無汗而喘者此方主之

麻黃三兩桂枝二兩甘草一兩杏仁七十個

右四味以水九升先煮麻黃減二升去上沫

內諸藥煮取二升半去渣服覆取汗出不須
啜粥餘如桂枝法將息

湯議

議曰陰盛陽虛汗之則愈下之則死今此頭痛發
熱身疼腰痛骨節疼痛惡寒無汗而喘者此陰盛
也若脉浮緊者爲寒邪外盛故與麻黃湯汗之則
愈也此正傷寒發汗之症也頭疼體痛骨節腰痛
者乃寒氣不得散循太陽之經自足行于背脊而

升于頭者也發熱者寒重生熱也惡寒無汗者則
陰寒傷營營實而衛虛故無汗而喘也麻黃味苦
辛專主發汗故用之爲君桂枝味辛熱以辛熱之
氣佐之散寒邪用之爲臣杏仁能散氣解表用之
爲佐甘草能安中用之爲使經曰寒淫于內治以
甘熱佐以辛苦是也先聖配此四味之劑以治傷
寒者乃專主傷寒脉浮緊惡寒無汗者之所至也
若脉微弱自汗者不可服此也

議用麻黃湯法

議曰麻黃湯乃傷寒中發汗正法也若脉浮緊惡寒無汗者不問有熱無熱有痛不痛便可發汗麻黃湯用之無疑若是惡寒無汗脉却沉者便不可造次恐是少陰及他症若是惡寒無汗脉却沉微而細頭不痛口不渴或自下利小便色白或發熱者此乃少陰症屬麻黃附子細辛湯主之若是惡寒發熱無汗脉却沉緊沉盛沉弦者頭痛或不痛

口渴小便赤大便如常此又不可便認爲少陰只與桂枝麻黃各半湯平解之以俟其動靜若是尋常感寒惡寒頭痛發熱脉却自沉者只可與正氣湯主之又不可盡拘以法也

麻黃湯戒

議曰陽盛陰虛汗之則死下之則愈今此麻黃湯乃正發汗之劑不可不知戒也經曰有汗不得服麻黃是也且此麻黃湯須用脉與証全在表方可

用也有一不然不可用之今人但見有病初然便去發汗稱說一日二日皆在表也若果中者僥倖耳苟或萬一陰虛陽實強發其汗則津液耗損卽成亢陽之症熱極則死也正曰不當汗而汗爲亡陽爲厥竭爲譫語且傷寒中不可發汗者最多詳見金鏡內臺若可發汗者的用須脉浮惡寒頭體痛無汗發熱非麻黃湯則不能也

麻黃湯症

太陽病頭痛發熱身疼腰痛骨節疼痛惡寒無汗而喘者麻黃湯主之

太陽與陽明合病喘而胸滿者不可下宜麻黃湯
太陽病十日以去脉浮細而嗜臥者外已解也設
胸滿脅痛與小柴胡湯脉但浮者與麻黃湯太陽
病脉浮緊發熱無汗身疼痛八九日不解表症仍
在此當發其汗服藥已微除其人發煩目瞑劇者
必衄衄乃解所以然者陽氣重故也麻黃湯主之

內經方論卷之二
四
太陽病脉浮緊不發汗因致衄者麻黃湯主之傷
寒病脉浮數者可發汗脉浮者病在表可發汗宜
麻黃湯

陽明病脉浮無汗而喘者發汗則愈宜麻黃湯

發汗後

太陽病發汗後大汗出胃中乾煩躁不得眠欲求
飲水者少與之飲令胃氣和則愈若脉浮小便不
利微熱消渴者五苓散主之發汗後水葯不得入

口爲逆若更發汗必吐下不止發汗多必亡陽譫語者不可下與柴胡桂枝湯和其榮衛以通其氣後自愈

發汗過多其人叉手自冒心心下悸欲得按者桂枝甘草湯主之

發汗後其人臍下悸者欲作奔豚茯苓桂枝甘草湯主之

發汗後病不解腹滿痛者可下之不惡寒但惡熱

者實也與調胃承氣湯

發汗後腹脹滿者厚朴薑夏湯主之

發汗不解蒸蒸發熱者屬胃也宜調胃承氣湯

太陽病發汗汗出不解其人仍發熱心下悸頭眩
身瞤動振振欲辟地者真武湯主之

發汗後病不解反惡寒者虛故也芍藥甘附湯

發汗後身疼痛脈沉遲者桂枝新加湯主之

發汗若下之病仍不解煩躁者茯苓四逆湯主之

傷寒發汗已身目爲黃所以然者以溫濕在裏不解故也以爲不可下于寒濕中求之

發汗後汗出輒復熱而脉躁疾不爲汗衰狂言不食此名陰陽交死不治也

疑問

問曰脉浮者可發汗此正法也或一手脉浮一手脉沉何以處之

答曰左手脉浮者爲外邪宜發汗則愈右手脉浮

者爲氣病爲脾虛不可發汗也獨脉浮而咳嗽者爲外感風邪也宜微取汗

問曰脉與症全在表者方可發汗何以辨之

答曰脉浮或浮緊浮緩浮數皆爲表脉惡寒惡風頭體痛發熱者皆爲表証也若脉証相同發汗無疑若脉症不同便須消息取用也

問曰陽盛陰虛下之則愈汗之則死何也

答曰脉沉實者爲陽盛宜下之不可汗脉浮盛者

爲陰盛宜汗不宜下更以外症叅之者大便不通
小便赤澁惡熱不惡寒煩渴飲水腹硬而痛此皆
爲陽盛若此下之則愈汗之必死也

問曰有此陽盛之症或又兼有表証未盡何如

答曰先解其表後攻其裏此正法也

問曰內經云浮之損小沉之實大故曰陰盛陽虛
沉之損小浮之實大故曰陽盛陰虛以此較之何
得相反耶

內臺方論卷之二
答曰此以浮爲陽沉爲陰取用其義非傷寒之法也若以汗下之用正相反耳不可憑也

問曰有不可汗者何如

答曰張氏有不可汗者二十餘條詳見內臺金鏡方法此不復錄

麻黃杏子石膏湯 廿一

治發汗後不可更行桂枝湯若汗出而喘無大熱者此方主之下後同

麻黃

四兩

杏仁

五箇

甘草

二兩

石膏

八兩

右四味以水七升先煮麻黃減二升去上沫

內諸藥又取三升去渣溫服

湯議

議曰發汗後表氣當解今汗出而喘無大熱者乃餘邪尙盛不可以汗出爲中風再用桂枝湯只宜麻黃湯中除桂枝加石膏以散餘邪也

麻黃連軀赤小豆湯

廿二

治傷寒瘀熱在裏身必發黃此湯主之

麻黃

連軹

甘草

炙

生薑

各二兩

赤小豆

一升

杏仁

四十枚

大棗

十二枚

生梓白皮

三兩

右八味以潦水一斗先煮麻黃去上沫內諸

藥再取三升分溫服

湯議

議曰傷寒瘀熱在裏身必發黃此蓋其人素有濕熱就因傷寒汗不盡則陽明之經爲瘀熱所凝則

遍身必發黃經云濕熱相交民多病瘴是也此湯
蓋爲發汗不盡脉浮身發黃者所設也麻黃能散
表邪用之爲君杏仁生薑能散氣解表用之爲臣
連軹味苦性寒生梓白皮性寒能除濕熱赤小豆
味甘平能去脾胃之濕用之爲佐甘草大棗性甘
能入脾益胃氣用之爲使以此八味之劑專治表
邪不盡瘀熱在裏徧身發黃者之用也內經云濕
熱上甚治以甘溫佐以甘平以汗爲故此之謂也

疑問

問曰天下之水皆一何以爲療水耶

答曰取其水性力弱不能助腎氣而益其濕熱也
故曰療水又曰甘瀾水其法取水二斗置盆內以
杓楊之千百遍水上有珠千百顆相逐乃取用之
以其性乏也

問曰發黃之証有數方各有所主乎

答曰麻黃連軀赤小豆方乃治餘汗不盡瘀熱在

裏身必發黃其脉浮者所設取微汗之茵陳蒿湯
乃治瘀熱在裏身必發黃其脉沉實爲表邪已散
者所設取微利之梔子柏皮湯乃治表裏皆熱者
之所設不可汗下只此解之茵陳五苓散治發汗
後發渴小便不通身目皆黃者所設以取其利小
便也

問曰發黃之症外治之法何如

答曰辛能散之急用生薑數斤搗擦爲妙若小便

不通者取黃泥并葱搗縛臍甚者加淡豉如更甚者用大田螺一枚同麝香半錢搗爛縛之取出小便如黃汁乃效也

麻黃附子細辛湯

廿三

治少陰病始得之反發熱者此方主之

麻黃

二兩

附子

一枚

細辛

二兩

右三味以水一斗先煮麻黃減二升去上沫

內諸藥再取三升去渣溫服

湯議

議曰少陰病當無熱今反發熱者邪在表也雖脉沉以始得病則邪氣未深故當溫劑微取汗以散之故用附子爲君以溫經散寒細辛之辛以散少陰之寒邪爲臣麻黃能發汗用之爲佐使以此三味之劑發汗非少陰則不敢用也

疑問

問曰陰症不得有汗今此少陰病反發熱汗者何

也

答曰少陰屬腎爲裏當無熱爲有相火之位亦能發熱其脉雖沉細必當取微汗而後已也

麻黃附子甘草湯

廿四

治少陰病得之二三日此方主之

麻黃

一兩

附子

一兩

甘草

二兩

右三味如前法

湯議

議曰初得少陰病二三日內脉沉細倦而臥者別無吐利厥逆等症者故用附子爲君以溫其經以麻黃甘草爲臣佐微取其汗以散其寒邪其病則已也

麻黃升麻湯

廿五

治傷寒六七日大下後寸脉沉而遲手足厥逆下部脉不至咽喉不利吐膿血泄利不止者爲難治此方主之

麻黃

二兩半

升麻

二兩半

當歸

一兩二錢半

知母

黃芩

萎蕤

各七錢半

石膏

白朮

乾薑

芍藥

天冬

桂枝

茯苓

甘草

各二錢五分

右一十四味以水一斗先煮麻黃去上沫內

諸藥又取三升去渣溫服

湯議

議曰傷寒六七日天下之後寸脉沉而遲手足厥逆下部脉不至者乃大下則傷血下焦之陽氣已

虛竭而然也又兼泄利不止者爲重虛也咽喉不利吐膿血者乃重亡津液而成肺痿得此之症實爲難治故與升麻爲君麻黃爲臣以散浮熱之氣如玉函經云甚熱之氣以汗泄之當歸桂薑之辛以散其寒知母黃芩之苦以涼心去熱苓朮之甘緩脾生津白赤芍之酸以斂逆氣萎蕤門冬石膏甘草之甘潤肺除熱其爲佐使以濟其症之壞而治其厥陰之損傷者也

內臺方議卷之二